

Utvalde kulturlandskap, Havrå – Sakshandsamingsrutinar for søknader om tilskot.



I 2017 fik Havråtunet status som nasjonalt utvald kulturlandskap, UKL. Føremålet med tilskot til tiltak i Utvalt kulturlandskap er å sikre verdier knytt til landskap, biologisk mangfald, kulturminne og kulturmiljø, for å sikre langsiktig skjøtsel og drift.

I denne sammenhengen er det utarbeid skjøtselsplan for bruka som inngår er definert under ordninga med UKL. Naustanlegga på Blom og stien frå Havrå til området, som er ein viktig del av infrastrukturen rundt garden inngår og som ein del av det utvalde kulturlandskapet.

Tunet er eit av dei aller siste og det best bevarte av klyngjetuna på Vestlandet, og har vore freda etter kulturminnelova som kulturmiljø frå 1998.

Status som Utvald kulturlandskap medfører at Havrå får tilført årlege midlar til skjøtsel og utvikling av områda der ulike tiltak kan løyvest tilskot til etter søknad. Kommunen skal lyse ut tildelt årlege tilskotsmidlar snarast mogleg etter at tildelinga er gjort kjend. Utlysinga skal sendast som e-post eller brev til aktuelle søkjarar på ordninga.

Fylkesmannen har forvalta ordninga fram til og med 2019. Frå og med 2020 er forvaltninga overført frå Fylkesmannen til kommunen.


Osterøy kommune gjev her retningslinjer for forvaltning og sakshandsaming av søknader etter denne tilskot ordninga. «*Forskrift om tilskudd til tiltak i Utvalgte kulturlandskap i jordbruket og verdensarvområdene Vegaøyan og Vestnorsk fjordlandskap,*» samt skjøtseplan for området vert lagt til grunn i sakshandsaminga av søknadane.

Føremål.

Føremålet med tilskot til tiltak i Utvalde kulturlandskap er å medverke til å sikre verdier knytt til biologisk mangfald, landskap, kulturminne og kulturmiljø, og å sikre langsiktig skjøtsel og drift.

Verkeområde.

Regelverket gjeld for det utvalde kulturlandskapet Havrå slik det er avmerkt i Naturbase.



Tildeling av tilskot.

Osterøy kommune kan gje tilskot til tiltak som er i samsvar med føremålet med tilskotsordninga.

Tiltaka må også vere i samsvar med gjeldande planar for området, og ev. avtaler mellom søkjar og kommunen. Dersom søkjar ikkje er grunneigar, må det ligge føre løyve frå grunneigar og andre rettshavarar.

Då Havrå er freda etter kulturminnelova skal søkjar innhente løyve frå kulturminneavdelinga før arbeidet startar for gjennomføring av tiltaket. Dette er eit vilkår som skal stå i kommunen sitt vedtak om løyving av tilskot.

Tiltak.

Kommunen kan løyve tilskot til fylgjande tiltak:

- Restaurering og skjøtsel av areal. Dette er eit prioritert tiltak for å sikre det biologiske mangfaldet, og for å ta vare på kulturlandskapet
- Istandsetjing, vedlikehald og skjøtsel av bygningar og andre kulturminne
- Planlegging av tiltak
- Tilrettelegging for ferdsel
- Formidlingstiltak
- Andre tiltak som fremjar føremålet med ordninga.

Krav til søknad

Søknadsfristen er 15.09.

Søknaden skal innehalde kostnadsoverslag, om søkt tilskot, utgreiing om gjennomføring av tiltaket og tiltaket skal vere kartfesta. Bilete som syner tiltaket som det blir søkt om vil i mange saker vere nyttig for sakshandsaming av søknaden.

Ettersom søknadsfristen er på hausten vil det vere naturleg å søkje om tilskot til tiltak som skal gjennomførast påfølgjande år. Alle søknader skal leverast gjennom Altinn og sakshandsaminga av søknadane vert gjort i sakshandsaming systemet Agros.

Satsar.

Manuelt arbeid: kr. 300,- pr. time
Tillegg for motorsag: kr. 50,- pr. time
Tillegg for traktor: kr. 300,- pr. time

For større tiltak der det er innleigd arbeidskraft for gjennomføring av tiltaket bør det innhentaast anbod frå minst 2 aktørar.

Beitetilskot

Osterøy kommune kan etter inngått avtale med søkjar betale ut tilskot for dyr på beite dersom dette er i samsvar med dei mål og tilrådingar som er fastsett i gjeldande skjøtelsesplan.

Det er krav om minimum 12 veker beitetid og det skal førast beitejournal der det går fram individnummer på dyra og dato for beite slepp og sankedato.

Beite område skal vere inngjerd og det skal leggst ved kart i søknad som viser området som dyra beitar på. Areal som i Ar5 er registrert som fulldyrka og overflatedyrka jord gjev ikkje rett på beitetilskot.

Løyving av tilskot.

Kommunen fastset ein tilskots prosent etter eit godkjend kostnadsoverslag. Det kan løyvast tilskot med inntil 100% av godkjend kostnad.

Arbeidsfrist.

Frist for gjennomføring av tiltaket er 3 år frå det blir løyvd tilskot. Kommunen kan etter søknad forlenge arbeidsfristen, men ikkje ut over 5 år frå tilskotet vart løyvd.

Utbetaling av tilskot og krav om rapportering

Den som har motteke tilskot skal levere sluttrapport og sluttrekneskap til kommunen innan fristen som er fastsett i vedtaksbrevet om tildeling av tilskot. Kommunen kan gje nærare krav om rapportering i vedtaksbrevet. For manuelt utført arbeid skal det for kvar dag førast timeliste som skal ved leggst søknad om utbetaling av tilskot.

Det kan også betalast ut tilskot etter kvart som deler av tiltaket vert utført, på bakgrunn av godkjent dokumentasjon. Minst 25 % av tilskotet skal haldast att til arbeidet er fullført og arbeidet og sluttrekneskapen er godkjent.

All utbetaling av tilskott skal gjerast etter søknad i Altinn.

Klage

Vedtak som er fatta av kommunen kan klagast inn til Fylkesmannen etter reglane i Lov 10. februar 1967 om behandlingssmåten i forvaltningssaker (forvaltningslova) kap. VI.

Opplysningsplikt og kontroll

Den som søker om tilskot har plikt til å legge fram alle opplysningar som kommunen og Fylkesmannen finn nødvendig for å kunne forvalte og kontrollere ordninga.

Kommunen og Fylkesmannen kan kontrollere at utbetaling av tilskot er i tråd med føresetnadane. Søklar har plikt til å utlevere all bokføring, korrespondanse og andre opplysningar som vedkjem tilskotet. Kommunen og Fylkesmannen kan gjennomføre stadleg kontroll.

Omgjering og tilbakebetaling

Tilskot som ikkje er brukt i samsvar med tildelingsvedtaket kan krevjast betalt attende.

Kommunen kan gjere om vedtak om løyvde tilskot og utbetalt tilskot kan krevjast betalt attende dersom det blir avdekka forhold som er i strid med det som er forutsett ved løyving av tilskotet.